



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quæstio 7. Vsus Carnium inter Hæreticos.

urn:nbn:de:hbz:466:1-40873

Pars 3. tract. 6. Resolutiones practica ad &c. 543
esse Catholicus absque ordine sacerdotali, aut
statu religioso.

QUÆSTIO VII. *Uſus carnium inter
hæreticos.*

AN licitum sit Catholico, imminentे gravē periculo, vesci carnibus inter hæreticos tempore ab Ecclesia prohibito, ne ab iis pro Catholicō habeatur.

RESP. affirmativē, si incommodum alias incurrendum sit notabile, non sola irrisio, aut levis contemptus. Quia præceptum Ecclesiae non solet obligare quando ejus observatum gravi incommodo conjuncta est. Neque potest illa comedio prudenter haberi pro negatione fidei. Satis enim constat Catholicos multis de causis uti cibis alias prohibitis, v. g. ratione valetudinis, aut dispensationis.

Sed quid si hæreticus expressis verbis invitet Catholicum ad eſum carnium tempore prohibito, ut hoc signo probet an verè sit Catholicus, vt carnē illi apponat expressē in contemptum præcepti Ecclesiastici?

RESP. illicitum esse tali casu vesci carnibus, eti grave incommodum instaret: nisi Catholicus expressē potestetur, se cibis illis uti salvā suā fide, ob valetudinem, aut alias legitimas causas sibi cognitas. Quia alias in illis circumstantiis comedio cibi interdicti determinatur ad significandum defectionem à fide, & obedientiam Ecclesiae; quae defectio ex nullo fine aut ratione potest honestari. Utramque responsionem confirmat resolutio Apostoli in casu non dissimili, i. ad Cor. 10. ubi interrogatus an liceret

544 Pars 2. tract. 6. Resolutiones practicae ad &c.
Ticeret idolothyta , id est , cibos idolis oblatos
& manducare ; sic ait , Si quis vocat vos infide-
lium & vultis ire , omne quod vobis appon-
itur manducate , nihil interrogantes propter
conscientiam : si quis autem dixerit , hoc im-
molatum est idolis , nolite manducare , prop-
ter illum qui indicavit , & propter conscienc-
iam.

QUÆSTIO VIII. Tempa , Conclaves ,
Preces Hæreticorum.

AN licitum sit Catholiceis in Anglia , aut Hi-
bernia , ullo prætextu tempa Hæreticorum
adire , & eorum concionibus , psalmodiis , aut
precibus interesse ?

REsp. negativè. Sic enim post diuturnam
disceptationem censuerunt in præcipuis
Europæ Universitatibus viri doctissimi. Idque
demum expressè declaravit Pius V. in Bulla ea
de re missa ad Catholicos Angliæ , 10. Kal.
Octobris an. 1606. ubi sic loquitur : Cogimur
monere vos atque ebtestari , ut nullo pacto ad hæretico-
rum tempa accedatis , aut eorum Conclaves audiatis ,
aut cum illis in ritibus communicetis. Non enim licet
vobis hac facere sine detimento Dei cultus , & vestre
salutis &c. Fundamentum hujus declarationis
est , quod per Regum edicta , & communem
populi acceptio[n]em , talis frequentatio cœperit
in illis partibus haberi pro signo defectionis ab
Ecclesia Romana , & obedientia Regi in sacris
exhibitæ , tanquam supremo capitï Ecclesie
Anglicanæ , adeò ut ipsi hæretici non dubita-
rent tales , tanquam Ecclesiae Romanae deser-
tores , suæ Sectæ annumerare. Pro negotiis
tamen